

積學齋叢書

第 冊

卷之三

七言律詩

管子義證卷三

臨海洪頤煊

卷七

大匡第十八

惕而有大慮

念孫案惕懼與有大慮義不相屬尹說非也惕當爲惕字之誤也說文惕放也今通作蕩言小白之爲人跌蕩而有大慮也跌蕩則爲人所不容故下句卽云非夷吾莫容小白也下文云臣聞齊君惕而亟驅惕亦當爲惕

無所歸死

念孫案當依左傳作無所歸咎字之誤耳

豕人立而啼

顧煊案荀子禮論篇注引啼作諦楊倞曰古字通用及齊君之能用之也

念孫案及猶若也言若齊君能用之則管子之事必濟也樂記曰及夫敦樂而無憂禮備而不偏者其惟大聖乎及夫若夫也中庸曰及其無窮也日月星辰繫焉萬物覆焉及其若其也尹注非

君必不能待也

引之案尹訓待爲擬於義無取今案待者禦也言鮑叔作難君必不能禦之也魯語帥大鰩以憚小國其

誰云待之楚語曰其獨何力以待之章注並曰待禦也

其智多誨

星衍案誨當作悔謂其多悔故少胥其自及下文成而不悔爲上舉宙合篇故政事不悔其證也尹注非三國所以亡者絕以小今君簣封亡國

星衍案斬當作蘄求也言三國所以亡者以土地小不足自存今君求封亡國是自盡其國也尹注非季友

星衍案小匡篇作季勞

博於糧

劉績曰小匡作公子舉博聞而知禮糧字是禮字誤
星衍案劉說是也糧禮字形相近

蒙孫

星衍案小匡篇作曹孫宿蒙曹聲相近毛詩還遭我
乎猶之間兮漢書地理志猶作嶧爾雅釋言憎慮也
釋文云憎本作悰皆聲近之證

戰於後故敗狄

星衍案戰於後三字爲句以卒先致緣陵故稱後尹
注非

必足三年之食安

念孫案必足三年之食安甚爲不詞此當讀安以其

餘脩兵革爲句安語辭猶乃也必足三年之食乃以其餘脩兵革也內業篇曰精存自生其外安榮言精生於中其外乃榮也尹訓安靜非是山國軌篇曰民衣食而繇下安無怨咎言下乃無怨咎也

無國勞

顧煊案無與毋通謂國事毋勞於一人卽孟子四命官事無攝下句毋專予祿卽士無世官尹注非

費義數而不當

顧煊案義當作犧謂費犧牲之數尹注亦當作犧字出欲通

引之案出當爲士隸書出字或省作士若數省作赦貴省作賣款

省作款

故諸書中士出二字往往譌溷

荀子大畧篇以其教士畢

行今本土譌出又習容而後出今本出譌作士史記呂后紀齊內史上徐廣曰一作出

吏不通

庶人七日囚不通士五日囚不通貴人子三日囚士在貴人子與庶人之間猶下文選舉之事士在貴人子與農工賈之間也尹注非

野爲原又多不發起訟不驕

頤煊案發讀爲廢謂開辟荒野爲原田又教以樹藝之功不廢其地利發廢古字通用起訟謂民起而相訟者不驕謂聽之無驕矜之色尹注非

耕者農農用力

念孫案此文內多一農字後人所加也耕者農用力

此農字非謂農夫廣雅曰農勉也言耕者勉用力也
下文云耕者用力不農亦謂用力不勉也

不事賢行

星衍案太平御覽八百二十二引作農不事賢行後
人因上句用力不農疑衍農字刪之非也

卷八

中匡第十九

昔三王者既弑其君

星衍案太平御覽七十六引弑作殺

寡人自以爲脩矣

星衍案白帖十五引作以爲脫於罪矣

小匡第二十

君有加惠於其臣

星衍案文選陸厥答內兄詩注引加作嘉左氏莊九年正義引無其字

使臣不凍飢

治國不失秉

星衍案羣書治要引飢作餒左氏正義作餒

使百姓皆加勇

星衍案左氏正義引加作知

彼爲其君動也

星衍案齊語夫爲其君動也羣書治要引此無動字
非左氏正義引作勤

顧煊案勤字是左氏僖二十八年傳令尹其不勤民
周語不佞以勤叔父又楚語是勤民以自封也爾雅
勤勞也杜預曰盡心盡力無所愛惜爲勤今本與齊
語作動皆誤

以戮羣臣

星衍案左氏正義引戮下有於字

請受而甘心焉

星衍案左氏正義引作請受而戮之

君何不殺而受之其屍

星衍案左氏正義引受作授無之字

使臣不能受命

星衍案左氏正義引能作敢

夫鮑叔之忍不僇賢人其智稱賢以自成也

顧煊案尹注言多所容忍必不僇賢人其義甚迂左氏正義引作鮑叔之不忍僇賢人其知知稱賢以自成也義勝於今本下句上知字音智下知字如字今本刪一知字俱誤

將何如是昭德以貳君也

念孫案將何如爲句是昭德以貳君也爲句

管仲誦纓插衽

星衍案宋本插作捷太平御覽六百八十六引作捷
社捷卽捷字之譌

戎馬待游車之弊

念孫案戎馬當依齊語作戎車據尹注亦作戎車
十邑爲卒

念孫案率當依齊語作卒下文二百人爲卒亦與齊
語同也

國之石民也

星衍案文選陸士衡挽歌詩注揚雄劇秦美新注引
作國之正民正民對閒民而言作石字非嵇叔夜絕
交書注陳孔璋檄吳將校文注白帖八十三引俱作

石民

比耒耜穀芟

星衍案穀芟當依齊語作耬芟宋本穀作穀卽耬字之壞

日昔從事於此

星衍案白帖八十三引作旦暮

正旅舊則民不惰

顧煊案正依齊語作政旅陳也謂陳其舊政尹注非正卒伍

顧煊案正當作定漢書刑法志引此作定下文卒伍政定於里軍政定於郊桓公曰卒伍定矣皆作定

字

則其制令

星衍案其字誤通典一百四十八引作有

五鄉一師

星衍案通典一百四十八引師作帥下文同

卒伍政定於里軍旅政定於郊

星衍案通典一百四十八引作卒伍定於里軍政定

於郊

設問國家之患而不內

念孫案尹注大謬劉績依齊語以肉爲疚之誤是矣而未盡也肉與疚形不相近若本是疚字無緣誤爲

肉蓋其字本作灾篆作肉形與肉相似因誤爲肉說文灾貧病也從宀久聲詩曰熒熒在灾今詩灾作疚未必非後人所改此灾字若不誤爲肉則後人亦必改爲疚矣

曹宿孫處楚

星衍案大匡篇并此篇下文俱作曹孫宿

徐開封處衛

星衍案徐開封當依前後文作衛開方開方本衛公子皆字之譌

匱尙處燕

星衍案卽大匡篇晏子

綱山於有牢

念孫案齊語作環山於有牢韋注云環繞也後漢書
馬融傳注引齊語環山於有牢賈注云環還也是賈
本作環與韋異也今管子作綱山於有牢者蓋綱字
俗書作經與環字相似環誤爲經又誤爲綱耳尹注
非

踰方地

念孫案當依齊語作踰方城霸形篇云踰方城濟於
汝水望汝山文與此同也尹注非

星衍案太平御覽六百二十六作踰方城

方舟投村